



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2184-25/25 – ME/SA

Tuzla, 29.12.2025. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja dijagnostičkih pretraga za 2026. godinu, donosi se sljedeća

O D L U K A
o izboru ponuđača
u postupku nabavke dijagnostičkih pretraga za 2026. godinu
LOT 3 MRI 3T dijagnostika ambulantne usluge

I

Cijeneći Preporuku Komisije za provođenje postupka ugovaranja zdravstvene zaštite, za nabavku dijagnostičkih pretraga za 2026. godinu – LOT 3 MRI 3T dijagnostika ambulantne usluge, biraju se ponuđači kako slijedi:

1. JZU UKC Tuzla
2. PZU Opća i specijalna bolnica „Plava medical group“, Tuzla
3. PZU Specijalna bolnica „Medikol Salinea“, Živinice

II

Cijena po kojoj će se vršiti realizacija okvirnog sporazuma, u skladu sa odlukom Upravnog odbora Zavoda iznosi MRI 3T – 380,00 KM.

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu, broj: 02/1-33-34546/25 od 20.11.2025. godine.

Realizacija pojedinačnih ugovora sa odabranim ponuđačima će se vršiti na osnovu kapaciteta iskazanih prema tipu i broju aparata na kojima se pružaju usluge, vrsti dijagnostičkih usluga za koje se ponuđač izjasnio, kao i na osnovu geografske lokacije pružanja usluga.

III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje Okvirnog sporazuma i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Okvirnog sporazuma, ovaj Ugovorni organ će sa izabranim ponuđačima zaključiti Okvirni sporazum o pružanju dijagnostičkih pretraga za 2026. godinu – LOT 3 MRI 3T dijagnostika ambulantne usluge.

IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

V

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu, broj: 02/1-33-34546/25 od 20.11.2025. godine, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Saglasnosti Ministarstva zdravstva TK broj: 13/1-33-035011/25 od 24.11.2025. godine, objavljen je Javni poziv za dostavu ponuda za ugovaranje dijagnostičkih pretraga za 2026. godinu.

Predmet nabavke su usluge dijagnostičkih pretraga za 2026. godinu.

Predmet nabavke je bio podjeljen na četiri (4) LOT-a:

- LOT 1 - CT dijagnostika ambulantne usluge
- LOT 2 – MRI 1,5T dijagnostika ambulantne usluge
- LOT 3 – MRI 3T dijagnostika ambulantne usluge
- LOT 4 - Oftalmološke usluge

Procijenjena vrijednost nabavke iznosi 9.050.000 KM, podjeljena na LOT-ove:

- LOT 1 - CT dijagnostika ambulantne usluge4.000.000 KM
- LOT 2 – MRI 1,5T dijagnostika ambulantne usluge4.100.000 KM
- LOT 3 – MRI 3T dijagnostika ambulantne usluge.....100.000 KM
- LOT 3 - Oftalmološke usluge850.000 KM

Kriterij za odabir ponuđača je najniža ponuđena cijena.

Cijene po kojima će se vršiti realizacija ugovora/okvirnog sporazuma utvrđene su Odlukama Upravnog odbora ZZO TK.

Ugovor se zaključuje na period do 31.12.2026. godine.

Javni poziv je bio otvoren do 04.12.2025. godine, do 15:00 sati.

Do krajnjeg roka za dostavu ponuda, ponude su dostavili sljedeći zainteresirani ponuđači:

1. PZU Poliklinika „Medical Irac“, Tuzla
2. JZU UKC Tuzla
3. PZU Opća i specijalna bolnica „Plava medical group“, Tuzla
4. PZU Specijalna bolnica „Medikol Salinea“, Živinice

Nakon pregleda i ocjene ponuda, Komisija je sačinila Zapisnik o pregledu i ocjeni ponuda broj: 03-11-1-2184-5/25 – BA/SA od 15.12.2025. godine u kojem je navedena analiza dostavljenih ponuda i data preporuka Ugovornom organu nakon kojeg je donesena Odluka o izboru ponuđača broj: 03-11-1-2184-9/25-BA/SA od 15.12.2025.godine.

Komisija je dana 29.12.2025. godine sačinila Zapisnik o izmjeni i dopuni Zapisnika o pregledu i ocjeni ponuda broj: 03-11-1-2184-17/25 - SA/SA od 29.12.2025.godine u kojem je data preporuka Ugovornom organu da stavi van snage Odluku o izboru od 15.12.2025.godine, te donese novu Odluku o izboru kojom će se Okvirni sporazum dodijeliti sljedećim ponuđačima:

1. JZU UKC Tuzla
2. PZU Opća i specijalna bolnica „Plava medical group“, Tuzla
3. PZU Specijalna bolnica „Medikol Salinea“, Živinice

Cijeneći naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

Dostavljeno:

1. Ponuđačima (e-mail)
2. a/a

**DIREKTOR**
Doc.dr.sc. Denis Husić, dipl. pravnik

